

01. oktober. 2019

UKA2019/66

Inatsisip nr. 262, marts 2016 ilanngunnissaannut, selskab-it Inatsisaata inuussutissarsiutigalugu suliffeqarfiutilinnut Inatsisaata, inuussutissarsiutigaluga fond-it Inatsisaata, Inatsisillu tamalaat (Piginnittuiit nalunaarsornissaat eqqunneqarnissaanut) allanngortinnissaat anguniarlugu Naalakkersuisut, Danmark-ip Naalakkersuisuinut peqquneqarnissaannik Inatsisartut aalajalangiiffigisassaattut siunnersuut

(Partii Naleqqamit Inatsisartunut ilaasortaataitai)

Inatsisip nr. 262, ilanngunnissaannut, ingerlateqatigiiffiit Inatsisaata, inuussutissarsiutigalugu suliffeqarfiutilinnut, fond-tinullu Inatsisaata, Inatsisillu tamalaat Piginnittuiit nalunaarsornissaata eqqunneqarnissaat anguniarlugit Nunatsinni Naalakkersuisut, Qallunaat Naalakkersuisuinut attaveqarnissaannut peqquneqarnissaannik, Inatsisartut aalajalangiiffigisassaattut, Inatsisartunut ilaasortamit Pele Broberg-mit siunnersuutigineqartumut Siumumiit qutsavigaarput.

Naalakkersuisut akissuteqarnerminni ilaatigut makkua eqqartorpaat, Akileraartarnermut paasissutissat paarlaateqatigiittarneri pillugit Nunat tamalaani suleqatigiinnermi, ilaatigut OECD-p ataani Global Forummi Kalaallit Nunaat peqataasartoq.

Aammalu aasap ingerlanerani Naalakkersuisut Erhvervsministerimut saaffiginnissimasut tamatuma kingunerisaanik suleqatigiinnik Inuussutissarsiornermut Aqutsisoqarfik pilersitsisimasoq, taassumalu inatsisaasunik ataqatigiiaartunik allannguutitut arlalinnut peqqussutissatut allaqqaakkanik piareersaallutik ingerlataqarnerarpaat.

Aningaasaateqarfiit aamma peqatigiiffiit aalajangersimasut pillugit inatsisaasuni allannguutit kingullerpaat pinngitsuugassaangitsutut Kalaallit Nunaannut aamma atuutsilertariaqartut Naalakkersuisut akissutiminni oqaatigaat, kiisalu Justitsministereqareqarfimmut saaffiginnittorqarsimavoq taamaalilluni piginnittut pillugit nalunaarsuisarnermut kikkuunerinillu tamanut saqqummiussisarnermut tunngatillugu katitikkatut inatsisaasut 2020-mi ukiakkut ataatsimiinnermi oqaluserinerisa kingornatigut Kalaallit Nunaannut atuutsinneqalersinnaassammata, Naalakkersuisut akissutaat taamatut Siumumiit tigulaariffigaagut.

Partii Naleqqamiit Inatsisartuni ilaasortaataa aaliangiiffigisassatut siunnersuutaannut tunngassuteqarsinnaasut, Naalakkersuisut akissutiminni ilaatigut suliat siunnersuutigineqartunut attuumassuteqarsinnaasut aallartereersimagaluaaraat siunnersuutigineqartut ilanngunneqarnissaat Naalakkersuisut tapersermassuk Siumumiillu tamanna aamma isumaqataaffigaarput.

Suliassamullu attuumassuteqarsinnaasooq ingerlareersoq, Inatsisartuni aaliangiiffigineqartoq UKA2018/133-mik nalunaarsornilik, taassumalu suliap inerneru UPA2021-mi Naalakkersuisut Inatsisartunut agguaatassaat aamma taanna pissangalluta utaqqivarput.

Siumumiit aaliangiiffigisassatut siunnersuut taperserparput, oqaatigisagut innersuullugit.

Henrik Fleischer, Siumut